

四庫全書

經部

欽定四庫全書

經部
儀禮述義卷十二

詳校官監察御史_臣陳化龍

給事中_臣溫常綬覆勘

總校官降調編修_臣倉聖脈

校對官主事_臣陳壩

謄錄監生_臣韓孝宗

欽定四庫全書

儀禮述註卷十二

安溪

李光坡

撰

士喪禮第十二

鄭目錄云士喪其父母自始死至於既殯之禮

疏曰此當諸侯之士知者下云君若有賜不言

王直云父母不言妻與長子按下記云赴曰君

之臣某死赴毋妻長子則曰君之臣某之某死

是禮同於君之臣不云父者經主於父死

士喪禮○死於適室幰用斂衾

註曰適室正寢之室也疾者齊故于正寢焉疾時處
北牖下死而遷之南牖下有牀衽幰覆也斂衾大斂
所并用之衾衾被也小斂之衾當陳喪大記曰始死
遷尸于牀幰用斂衾去死衣○疏曰死衣鄭彼註云
去死衣病時所加新衣及復衣也去之以俟沐浴也
復者一人以爵弁服簪裳于衣左何之扱領于帶

註曰復者有司招魂復魄也天子則夏采祭僕之屬
諸侯則小臣為之爵弁服純衣纁裳也禮以冠名服
簪連也○疏曰復者一人者諸侯之士一命與不命
並皆一人出入之氣謂之魂耳目聰明謂之魂死者
魂神去離於魄今欲招取魂來復歸於魄故云招魂
復魄也云禮以冠名服者欲見復時唯用緇衣纁裳
不用爵弁而經言爵弁服是禮以冠名服也

升自前東榮中屋北面招以衣曰臯某復三降衣于前

註曰北面招求諸幽之義也。皐長聲也。某死者之名也。復反也。降衣下之也。喪大記曰：凡復男子稱名，婦人稱字。○疏曰：復聲必三者，禮成於三。

受用篋升自阼階以衣尸

註曰：受者受之於庭也。復者，其一人招則受衣，亦一人也。人君則司服受之衣尸者覆之。若得魂反之。

復者降自後西榮

註曰：不由前降，不以虛反也。降因徹西北扉，若云此。

室凶不可居然也自是行死事○疏曰喪大記將沐
甸人取所徹廟之西北扉薪而爨之故知復者降時
徹之扉隱也西北隅為扉

楔齒用角柶

註曰為將含恐其口閉急也○疏曰此角柶其形與
扱醴角柶別故屈之如軋中央入口兩末向上取事
便也

綴足用燕几

註曰綴猶拘也為將屨恐其辟戾也

奠脯醢醴酒升自阼階奠于尸東

註曰鬼神無象設奠以憑依之○疏曰按檀弓曾子云始死之奠其餘閣也與則此奠是閣之餘食為之按下小斂一豆一籩大斂兩豆兩籩此始死俱言亦無過一豆一籩而已

帷堂

註曰事小訖也○疏曰云事小訖也者以其未襲斂

必帷之者鬼神尚幽闇故也

乃赴于君主西階東南面命赴者拜送

註曰赴告也臣君之股肱耳目死當有恩

有賓則拜之

註曰賓僚友羣士也其位猶朝夕哭矣○疏曰謂賓

弔位猶如賓朝夕哭位其主人之位則異於朝夕而

在西階東南面拜之拜訖西階下東面下經所云拜

大夫之位是也

入坐于牀東衆主人在其後西面婦人俠牀東面

註曰衆主人庶昆弟也婦人謂妻妾子姓也亦適妻在前○疏曰衆主人直言在其後不言坐則立可知婦人雖不言坐按喪大記婦人皆坐無立法

親者在室

註曰謂大功以上父兄姑姊妹子姓在此者○疏曰子姓謂主人之孫於死者謂曾孫玄孫曾孫為曾祖高祖齊衰三月當在大功親之內故云子姓在此者

衆婦人戶外北面衆兄弟堂下北面

註曰衆婦人衆兄弟小功以下○疏曰同是小功以下而男子在堂下者以其婦人有事自堂及房不合在下故男子在堂下婦人戶外堂上

君使人弔徹帷主人迎于寢門外見賓不哭先入門右北面

註曰使人士也禮使人必以其爵使者至使人入將命乃出迎之寢門內門也徹帷屋之事畢則下之

疏曰徹帷屋之者謂褰帷而上非謂全徹去○楊氏
曰今按喪大記云凡主人之出也徒跣扱衽拊升降
自西階

弔者入升自西階東面主人進中庭弔者致命

註曰主人不升賤也致命曰君聞子之喪使某如何
不淑○疏曰賤也者對大夫之喪其子得升堂受命
是以大戴禮云大夫於君命升聽命降拜是也

主人哭拜稽顙成踊

註曰稽顙頭觸地成踊三者三

賓出主人拜送于外門外

君使人禭徹帷主人如初禭者左執領右執要入升致命

註曰禭之言遺也衣被曰禭致命曰君使某禭

主人拜如初禭者入衣尸出主人拜送如初唯君命出升降自西階遂拜賓有大夫則特拜之即位于西階下東面不踊大夫雖不辭入也

註曰唯君命出以明大夫以下時來弔襚不出也始
喪之日哀戚甚在室故不出拜賓也大夫則特拜別
於士旅拜也即位西階下未忍在主人位也不踊但
哭拜而已不辭而主人升入明本不為賓出不成禮
也○疏曰遂拜賓者因事曰遂因有君命故拜賓與
大夫無君命則不出戶小斂後賓致辭云如何不淑
乃復位踊今不為賓出故不為之踊及雖不辭而入
親者襚不將命以即陳

註曰大功以上有同財之義也不將命不使人將之
致於主人也即陳陳在房中

庶兄弟祔使人以將命于室主人拜于位委衣于尸東牀上
註曰庶兄弟即衆兄弟也變衆言庶容同姓耳將命曰
某使某祔拜于位室中位也

朋友祔親以進主人拜委衣如初退哭不踊

註曰親以進親之恩也退下堂反賓位也主人徒哭不
踊別於君祔也

徹衣者執衣如襚以適房

註曰凡於襚者出有司徹衣○疏曰如襚者亦左執領右執要也適房者陳之

為銘各以其物亡則以緇長半幅經末長終幅廣三寸書銘于末曰某氏某之柩

註曰銘明旌也雜帛為物大夫之所建也以死者為不可別故以其旗識識之愛之斯錄之矣亡無也無旌不命之士也半幅一尺終幅二尺在棺為柩○疏曰此士喪禮

記公侯伯之士一命亦記子男之士不命各以其物者按
周禮司常大夫士同建雜帛為物然雜帛之物雖同其
旌旗之杠長短則異故禮緯云天子之旗九及諸侯七
及大夫五及士三及死以尺易及故下云竹杠長三尺
長短不同故言各以別之此據侯伯之士一命者也

竹杠長三尺置于宇西階上

註曰杠銘幢也宇梠也○疏曰此始造銘訖且置於宇
下西階上待為重訖以此銘置於重又下文卒塗始置

於肆若然此時未用權置於此也枳檐下

甸人掘坎于階間少西為堡于西墻下東鄉

註曰甸人有司主田野者堡塊竈西墻中庭之西○

疏曰以塊為竈用之以煮沐浴之潘水知在中庭之西

者經直云于西墻下不繼階字明近南中庭之西也

新盆槃瓶廢敦重鬲皆濯造于西階下

註曰新此瓦器五種者重死事盆以盛水槃承渙濯瓶以汲水也廢敦敦無足者所以盛米也重鬲鬲將

懸於重者也濯滌溉也造至也猶饌也以造言之喪
事遽

陳襲事于房中西領南上不綰

註曰襲事謂衣服也綰讀為紆紆屈也襲事少上陳
而下不屈江河之間謂紵收絕索為紆

明衣裳用布

註曰所以親身為圭潔也

簪筭用桑長四寸緩中

註曰桑之爲言喪也用爲笄取其名也長四寸不冠故也纓笄之中央以安髮○疏曰以髻爲髻義取以髮會聚之意笄長四寸僅取入髻而已知死者不冠者下記云其母之喪髻無笄註云無笄猶丈夫之不冠也以此言之生時男子冠婦人笄今死婦人不笄則知男子亦不冠也家語云孔子之喪襲而冠者家語王肅之增改不可依用也纓中者兩頭闊中央狹也

布巾環幅不鑿

註曰環幅廣袤等也不鑿者士之子親舍反其中而已大夫以上賓為之含當口鑿之嫌有惡

掩練帛廣終幅長五尺析其末

註曰掩裹首也析其末為將結於頤下又還結於項中

瑱用白纁

註曰瑱克耳纁新綿

幘目用緇方尺二寸緹裏著組繫

註曰幘目覆面者也幘讀若詩云葛藟縈之之縈緹赤也著充之以繫也組繫為可結也○疏曰四角有繫於後結之

握手用玄纁裳長尺二寸廣五寸牢中荀寸著組繫

註曰牢讀為樓樓為削約握之中央以安手也○疏曰名此衣為握以其在手故言握手不謂以手握之云廣五寸牢中荀寸者則中央廣三寸廣三寸中央又容四指而已

四指指一寸則四寸四寸之外仍有八寸皆廣五寸也讀
從樓者義取縷斂狹少之意云削約者謂削之使約少也
決用正王棘若擇棘組繫續極二

註曰決猶闔也挾弓以橫執絃詩云決拾既欣正善
也王棘與擇棘善理堅及者皆可以為決極猶放弦
也以沓指放絃令不挈指也生者以朱韋為之而三
死用續又二明不用也○疏曰云以沓指放絃令不
挈也者謂以此二者與決為籍令弦不決挈傷指耳

冒緇質長與手齊經殺掩足

註曰冒緇尸者制如直囊上曰質下曰殺質正也其
用之先以殺緇足而上後以質緇首而下齊手上玄
下纁象天地也喪大記曰君錦冒黼殺緇有七大夫
玄冒黼殺緇有五士緇冒經殺緇有三凡冒質長與
手齊殺三尺○疏曰緇有者以其冒無帶又無釳一
定不動故知有緇質與殺相接之處使相連

爵弁服純衣

註曰謂生時爵弁所衣之服也純衣者纁裳古者以冠名服死者不冠

皮弁服

註曰皮弁所衣之服也其服白布衣素常也

祿衣

註曰黑衣裳赤緣之謂之祿祿之言緣也所以表袍者也喪大記曰衣必有裳袍必有表不禪謂之一稱疏曰知此緣衣是黑衣裳者以其士冠禮陳三服玄

端皮弁爵弁者玄端無祿衣此士喪襲亦陳三服與
彼同此無玄端有祿衣故知此祿衣則玄端者也玄
端有三等裳此喪禮質畧同玄裳而已但此玄端連
衣裳與婦人祿衣同故變名祿衣也

緇帶

註曰黑緇之帶○疏曰襲時三服俱著故共一帶

韎韐

註曰一命韎韐○疏曰韎者據色而言以韎草染之

取其赤鞞者合韋為之故名鞞鞞也云一命緼鞞者
玉藻文但祭服謂之鞞他服謂之鞞士一命名為鞞
鞞亦名緼鞞不得直名鞞也但士冠禮玄端爵鞞皮
弁素鞞爵弁服鞞鞞今亦三服共設鞞鞞者以其重
服亦如帶矣

竹笏

註曰笏所以書恩對命者玉藻曰笏天子以球玉諸
侯以象大夫以魚須文竹士以竹本象可也又曰笏

度二尺有六寸其中博三寸其殺六分而去一又曰
天子播珽方正於天下也諸侯荼前詘後直讓於天
子也大夫前詘後詘無所不讓○疏曰珽之言挺然
無所詘也或謂之大圭長三尺荼讀為舒遵之舒舒
懦者所畏在前也詘謂圓殺其首不為椎頭諸侯唯
天子詘焉是以謂笏為荼大夫奉君命出入者上也
有天子下有已君又殺其下而圓前後皆詘故云無
所不讓彼雖不言士士與大夫同

夏葛屨冬白屨皆縹緇絢純組綦繫于踵

註曰冬皮屨變言白者明夏時用葛亦白也此皮弁之屨士冠禮曰素積白屨以魁紬之縹緇絢純縹博寸綦屨係也所以拘止屨也綦讀如馮絆綦之綦○疏曰士冠禮云爵弁纁屨素積白屨玄端黑屨三服各自用屨屨從裳色其色自明今死者重用其服屨惟一故須見色三服相參帶用玄端屨用皮弁韎韐用爵弁各用其一云綦屨係也者經云繫于踵則綦

當屬於跟後以兩端向前與約相連于脚跗踵足之上合結之名為繫于踵也

庶穢繼陳不用

註曰庶衆也不用不用繫也多陳之為繫少納之為貴

貝三實于筭

註曰貝水物古者以為貨江水出焉筭竹器名

稻米一豆實於筐

註曰豆四升

沐巾一浴巾二皆用綌於簞

註曰巾所以拭污垢浴巾二者上體下體異也綌麤葛

櫛於簞

註曰簞葦筥

浴衣於篋

註曰浴衣已浴所衣之衣以布為之其制如今通裁

皆饌于西序下南上

註曰皆者皆具於下東西牆謂之序中以南謂之堂

管人汲不說緇屈之

註曰管人有司主館舍者不說緇將以就祝濯米屈

縈也

祝淅米于堂南面用盆

註曰祝夏祝也淅沃也

管人盥階不升堂受潘煮于俎用重鬲

註曰盡階三等之上喪大記曰管人受沐乃煮之
人取所徹廟之西北扉薪用爨之

祝盛米于敦奠于貝北

註曰復於筐簠

士有冰用夷槃可也

註曰謂夏月而君賜冰也夷槃承尸之槃喪大記曰
君設大槃造冰焉大夫設夷槃造冰焉士併瓦槃無
冰設牀禮第有枕

外御受沐入

註曰外御小臣侍從者沐管人所煮沐也

主人皆出戶外北面

註曰象平生沐浴裸程子孫不在菊主人出而禮第

乃沐櫛拒用巾

註曰拒晞也清也

浴用巾拒用浴衣

註曰用巾用拭之也喪大記曰御者二人浴浴水用

盆沃水用料

湏濯棄于坎

註曰沐浴餘潘水中櫛浴衣亦并棄之

蚤揃如他日

註曰蚤讀為爪斷爪揃鬚也人君則小臣為之他日

平生時

簪用組乃笄設明衣裳

註曰用組組束髮也

主人入即位

註曰已設明衣可以入也

商祝襲祭服祿衣次

註曰商祝祝習商禮者商人教之以敬於接神宜襲布衣牀上祭服爵弁服皮弁服皆從君助祭之服大蜡有皮弁素服而祭送終之禮也襲衣於牀牀次舍牀之東衽如初也喪大記曰舍一牀襲一牀遷尸於堂又一牀○疏曰案表記云殷人尊神率民以事神

故云於接神宜云襲布衣牀上者此雖布衣牀上未襲待飯舍訖乃襲爵弁從君助祭之服皮弁從君聽朔之服引郊特牲大蜡之禮證皮弁之服有二種一者皮弁白布衣素積為裳是天子朝服亦是諸侯及臣聽朔之服二者皮弁時衣裳皆素葛帶榛杖大蜡時送終之禮凶服也非此襲時所用者也

主人出南面左袒扱諸面之右盥于盆上洗貝執以入
宰洗枲建于米軌以從

註曰俱入戶西鄉也。○疏曰面前也。謂袒左袖扱於右掖之下帶之內取便也。洗貝柶訖還貝于筭建柶於敦執以入。鄭知俱入戶西鄉者以下經始云主人與宰牀西東面故知此時西鄉也。

商祝執巾從入當牖北面徹枕設巾徹楔受貝奠于尸西

註曰當牖北面直尸南也。設巾覆面為飯之遺落米也。如商祝之事位則尸南首明矣。○疏曰未葬以前

不異於生皆南首禮弓云葬于北方北首者從鬼神
尚幽闇鬼道事之故也唯有喪朝廟時北首順死者
之孝心故北首也

主人由足西牀上坐東面

註曰不敢從首前也祝受貝米奠之口實不由足也
疏曰前文祝入當牖北面是由尸首以其口實不可
由足

祝又受米奠于貝北宰從立于牀西在右

註曰米在貝北便扱者也宰立牀西在主人之右當
佐飯事

主人左扱米實于右三實一貝左中亦如之又實米唯
盈

註曰于右尸口之右唯盈取滿而已○疏曰九扱恐
不滿是以更云實米

主人襲反位

註曰位在尸東○疏曰鄉袒今襲是復著衣

商祝掩瑱設幘目乃屨綦結于跗連絢

註曰掩者先結頤下既瑱幘目乃還結項也跗足上也絢屨飾如刀衣鼻在屨頭上以餘組連之止足圻也○疏曰掩有四脚後二脚先結頤下無所妨故先結之若即以前二脚向後結于項則掩於耳及面兩邊瑱與幘目無所施故先結頤下待設瑱塞耳并施幘目乃結項後也足上者謂足背也云以餘組連之者以綦屨繫既結有餘組穿連兩屨之絢使兩足不

相離故云止足圻也

乃襲三稱

註曰遷尸於襲上而衣之凡衣死者左衽不紐襲不言設牀又不言遷尸於襲上以其俱當牖無大異疏曰喪大記注衽鄉左反生時也

明衣不在算

註曰算數也不在數明衣禪衣不成稱也

設韜帶摺笏

註曰韜帶韠韜帶不言韠韠者省文亦欲見韜自有帶韜帶用草搢挿也挿於帶之右旁

設決麗于擊自飯持之設握乃連擊

註曰麗施也擊手後節中也飯大擘指本也決以韋為之籍有彊彊內端為紐外端有橫帶設之以紐環大擘本也因省其彊以橫帶貫紐結於擊之表也設握者以綦繫絢中指由手表與決帶之餘連結之此謂右手也○疏曰大擘指本鄉掌為內端屬紐子鄉

手表謂外端屬橫帶先以紐環大臂本因省其強於指乃以橫帶繞手一二貫紐反向手表結之

設冒橐之幬用衾

註曰橐輜盛物者取事名焉衾者始死時斂衾

巾衾蚤埋于坎

註曰坎至此築之也將襲辟奠既則反之○疏曰反之於尸東以其不可空無所依故也按下記云小斂辟奠不出室彼還是襲奠辟小斂則此辟襲奠亦不

出室仍不言處大斂時辟小斂奠于序西南則此宜
室西南隅若然此奠襲後因名襲奠故下鄭注云將
小斂則辟襲奠

重木刊鑿之甸人置重于中庭參分庭一在南

註曰木也懸物焉曰重刊斲治鑿之為懸簪孔也士
重木長三尺○疏曰鄭言士重木長三尺則大夫以
上各有等當約銘旌之杠士三尺大夫五尺諸侯七
尺天子九尺據豎之者橫者宜半之

夏祝鬻餘飯用二鬲于西墻下

註曰夏祝祝習夏禮者也夏人教以忠其於養宜鬻餘飯以飯尸餘米為鬻也重主道也士二鬲則大夫四諸侯六天子八與簋同差

罍用疏布久之繫用幹縣于重罍用葦席北面左衽帶用幹賀之結于後

註曰久讀為灸謂以蓋塞鬲口也幹竹簋也以席覆重辟屈而反兩端交於後左衽西端在上賀加也○

疏曰簾謂竹之青可以為繫者

祝取銘置于重

註曰祝習周禮者也○疏曰銘未用待殯訖乃置於
埽今且置於重必且置於重者以重與主皆是錄神
之物故也○楊氏曰既沐浴設明衣裳乃遷于牀徹
楔徹枕而後設含此含之所以一牀也又布襲衣于
牀待含訖設掩設瑱設悞目乃屨於是遷尸於襲上
而衣之既襲乃設韎韐緇帶搢笏設決設握手設冒

素之幬用衾此襲之所以一牀也其將襲也則辟奠
既襲則反其初奠而奠于尸東焉大記曰君設大槃
造冰焉大夫設夷槃造冰焉士併瓦槃無冰設牀禮
第有枕含一牀襲一牀遷尸于堂又一牀皆有枕席
君大夫一也注云檀第袒簣也謂去席如浴時禮自
仲春之後尸既襲既小斂先內水槃中始設床於其
上不施席而遷尸焉秋涼而止士有賜冰亦用夷槃
厥明陳衣于房南領西上綉絞橫三縮一廣終幅析其

末

註曰綳屈也絞所以收束衣服為堅急者也以布為之縮從也橫者三幅縮者一幅析其末者今可結也喪大記曰絞一幅為三○疏曰云厥明者對昨日始死之日為厥明喪大記云凡陳衣者實之筐取衣者亦以筐

緇衾纁裏無紃

註曰紃被識也斂衣或倒被無別於前後可也凡衾

制同皆五幅也

祭服次

註曰爵弁服皮弁服

散衣次

註曰祿衣以下袍繭之屬

凡十有九稱

註曰祭服與散衣○疏曰喪大記註十九法天地之終數則天子以下皆同也

陳衣繼之

註曰庶幾

不必盡用

註曰取稱而已不務多

饌于東堂下脯醢醴酒冪莫用功布實于簞在饌東

註曰功布鍛濯灰治之布也凡在東西堂下者南齊
帖○疏曰堂隅有帖以土為之或為堂隅為帖也

設盆盥于饌東有巾

註曰為奠設盥也喪事畧故無洗也○疏曰喪事畧故無洗直以盆為盥器也

苴經大搗下本在左要經小焉散帶垂長三尺牡麻經右本在上亦散帶垂皆饌于東方

註曰苴經斬衰之經也苴麻者其貌苴以為經服重者尚麓惡經之言實也搗搗也中人之手搗圓九寸經帶之差自此出焉下本在左重服統於內而本陽也要經小焉五分去一牡麻者齊衰以下之經也牡

麻者其貌易服輕者宜差好也右本在上服輕本於陰而統於外散帶之垂者男子之道文多變也饌于東方東站之南直經為上○疏曰此小斂訖當服未成服之麻也云亦散帶垂者不言尺寸亦與直經同垂三尺搗是搗物之稱故據中人一搗而言大者據大拇指與大巨指搗之故言大也按雜記云親喪外除鄭云日月已竟而哀未忘兄弟之喪內除註云日月未竟而哀已殺此言統內統外者亦據哀在內外

而言

婦人之帶牡麻結本在房

註曰婦人亦有直經但言帶者記其異此齊衰婦人
斬衰婦人亦直經也○疏曰記其異謂男子帶有散
麻婦人則結本是其異者且男子小功總麻小斂有
帶則絞之亦結本婦人帶結本可以兼之矣此帶牡
麻兼男子小功以下陳之則別處以其男子陳之于
坊南北經云在房明知異處也

牀第夷衾饌于西北南

註曰第簣也夷衾覆尸之衾喪大記曰自小斂以往用夷衾夷衾質殺之裁猶冒也○疏曰言小斂以往則此夷衾覆尸覆柩不入棺矣猶冒者上質下殺形制同唯不連則異

西方盥如東方

註曰為舉者設盥也如東方者亦用盆布巾饌於西堂下

陳一鼎于寢門外當東塾少南西面其實特豚四髻去蹄兩肋脊肺設扃竈竈西末素俎在鼎西西順覆匕東柄

註曰髻解也四解之殊肩脾而已喪事畧去蹄去其甲為不潔清也肋脅也素俎喪尚質既饌將小斂則辟襲奠○疏曰鼎用茅為編言西末則茅本在東云喪事畧謂豚解不體解也四髻并兩肋脅與脊總為七體襲奠者即始死之奠襲後改為襲奠以恐妨斂

事故知辟襲奠前襲時已辟之今將小斂亦辟之亦當於室之西南隅如將大斂辟小斂奠於序西南也凡奠在室外經宿者皆辟之於序西南

士盥二人以並東面立于西階下

註曰立俟舉尸也

布席于戶內下莞上簟

註曰有司布斂席也

商祝布絞衾散衣祭服祭服不倒美者在中

註曰斂者趨方或俱倒衣裳祭服尊不倒之也美善也善衣後布於斂則在中也既後布祭服而又言善者在中明每服非一稱也

士舉遷尸反位

註曰遷尸於服上

設床第于兩楹之間衽如初有枕

註曰衽寢卧之席也亦下莞上簟

卒斂徹帷

註曰尸已飾

主人西面馮尸踊無筭主婦東面馮亦如之

註曰馮服膺之

主人髻髮袒衆主人免于房

註曰始死將斬衰者鷄斯將齊衰者素冠今至小斂

變又將初喪服也髻髮者去筭纚而紒衆主人免者

齊衰將袒以免代冠冠服之尤尊不以袒也免之制

未聞舊說以為如冠狀廣一寸喪服小記曰斬衰髻

髮以麻免而以布此用麻布為之狀如今之著慘頭
矣自項中而前交於額上卻繞介也于房于室釋髻
髮宜於隱者○疏曰問喪鷄斯鄭云當為笄纚齊衰
將袒以免代冠者此亦小斂節與斬衰髻髮同時此
皆據男子若婦人斬衰婦人以麻為髻齊衰婦人以
布為髻髻與髻髮皆以麻布自項而向前交於額上
卻繞紒如著慘頭焉免亦然但以布廣一寸為異也

婦人髻于室

註曰始死婦人將斬衰者去笄而纚將齊衰者骨笄而纚今言髻者亦去笄纚而紒也齊衰以上至笄猶髻髻之異於髻髮者既去纚而以髮為大紒如今婦人露紒其象也禮弓曰南宮縚之妻之姑之喪夫子誨之髻曰爾母縱縱爾爾母扈扈爾其用麻布亦如著慘頭然○疏曰鄭云而紒紒即髻也故喪服註亦云髻露紒也云至笄猶髻者謂從小斂著未成服之髻至成服之笄猶髻不改至大斂殯後乃著成服之

髻代之也古者男子婦人吉時皆有笄纚有喪至小
斂則男子去笄纚著髻髮婦人去纚而著髻髻形先
以髮為大紒紒上新衰婦人以麻齊衰婦人以布其
著之如男子髻髮與免

士舉男女奉尸俛于堂幰用夷衾男女如室位踊無算

註曰俛之言尸也夷衾覆尸柩之衾也堂謂楹間牀
第上也○疏曰幰用夷衾者初死幰用大斂之衾以
小斂之衾當陳今小斂後大斂之衾當擬大斂故用

覆棺之夷余以覆尸也

主人出于足降自西階衆主人東即位婦人阼階上西面主人拜賓大夫特拜士旅之即位踊襲經于序東復位

註曰拜賓鄉賓位拜之也即位踊東方位襲經于序東東夾前○疏曰衆主人雖無降階之文當從主人降自西階主人就拜賓之時衆主人遂東即位經云主人降自西階即云主人拜賓明不即位而先拜賓

襲經于序東謂鄉堂東東面當序牆之東又當東夾之前非謂就堂上東夾前也○楊氏曰小記曰斬衰括髮以麻為母括髮以麻免而以布大記曰奉尸俛于堂降拜賓主人即位襲帶經踊母之喪即位而免疏云為父小斂訖括髮自項以前交於額上卻繞紒如着慘頭焉為母小斂後括髮與父禮同自小斂後至尸出堂子拜賓之時猶與父不異至拜賓後子往即堂下位時則異也若為父此時猶括髮而踊襲經

帶于序東以至大斂而成服若母喪於此時則不復括髮乃著布免踊而襲經帶以至成服

乃奠

註曰祝與執事為之

舉者盥右執匕卻之左執俎橫攝之入阼階前西面錯錯俎北面

註曰舉者盥出門舉鼎者右人以右手執匕左人以左手執俎因其便也攝持也西面錯錯鼎於北宜西

面錯俎北面俎宜西順之○疏曰各以內手舉鼎外
手執匕俎故云便也

右人左執匕抽扃予左手兼執之取鼎委于鼎北加扃
不坐

註曰抽扃取鼎加扃於鼎上皆右手

乃杞載載兩髀于兩端兩肩亞兩肱亞脊肺在於中皆
覆進祗執而俟

註曰乃杞以杞次出牲體右人也載受而載於俎左

人也亞次也凡七體皆覆為塵祇本也進本者未異
於生也骨有本末○疏曰凡七體者前左右肩臂臑
屬馬後左右脾膊胛屬馬并左右脅通脊為七體也
按下文大斂豚合升言合升則髀亦升之矣凡言合
升多言皆并脾升非獨喪禮若體解升者皆髀不升
鄭云近竅賤也

夏祝及執事盥執醴先酒脯醯俎從升自阼階丈夫踊
甸人徹鼎巾待于阼階下

註曰執事者諸執奠事者巾功布也執者不升已不設
祝既錯醴將受之○疏曰執者不升唯據執巾者祝
將受之以覆酒醴○坡謂甸人徹鼎巾注疏未明此
甸人徹鼎例以大斂奠正同節則此甸人徹鼎為一
甸巾字屬下甸讀云巾待于阼階下蓋前功布實于
簞至此方取出以待也

奠于尸東執醴酒北面西上

註曰執醴酒者先升尊也立而俟後錯要成也

豆錯俎錯于豆東立于俎北西上醴酒錯于豆南祝受
巾巾之由足降自西階婦人踊奠者由重南東丈夫踊
註曰巾之為塵也東反其位○疏曰主人位在阼階
下婦人位在上故奠者升丈夫踊奠者降婦人踊各
以所見先後為踊之節也云奠者由重南東丈夫踊
者奠訖主人見之更與主人為踊之節也東反其位
者其位蓋在盥盥之東南上

賓出主人拜送于門外

註曰廟門外也○疏曰以鬼神所在即曰廟故名適
寢為廟也

乃代哭不以官

註曰代更也孝子始有親喪悲哀憔悴禮防其以死
傷生使之更哭不絕聲而已人君以官尊卑士賤以
親疎為之三日之後哭無時周禮挈壺氏凡喪懸壺
以代哭○疏曰云三日之後哭無時者禮有三無時
之哭始死未殯哭不絕聲一無時殯後奠前朝夕入

於廟阼階下哭又於廬中思憶則哭是二無時既練之後在壘室之中或十日或五日一哭是三無時練前葬後有朝夕在阼階下哭唯此有時無無時之哭也

有祔者則將命擯者出請入告主人待于位

註曰喪禮畧於威儀既小斂擯者乃用辭出請之辭曰孤某使某請事

擯者出告須以賓入

註曰須亦待也出告之辭曰孤某須矣

賓入中庭北面致命主人拜稽顙賓升自西階出于足
西面委衣如於室禮降出主人出拜送朋友親禭如初
儀西階東北面哭踊三降主人不踊

註曰朋友既委衣又還哭於西階上不背主人

禭者以褶則必有裳執衣如初徹衣者亦如之升降自
西階以東

註曰帛為褶無絮雖復與禭同有裳乃成稱不用表

也以東載以待事也○疏曰褶與複相對有著為複
無著為褶散文褶亦為複也

宵為燎于中庭

註曰宵夜也燎火熬

厥明滅燎陳衣于房南領西上績絞紵衾二君襚祭服
散衣庶襚凡三十稱紵不在算不必盡用

註曰紵單被也衾二者始死斂衾今又復制也小斂
衣數自天子達大斂則異矣喪大記曰大斂布絞縮

者三橫者三

東方之饌兩瓦甒其實醴酒角解木枳𦉰豆兩其實葵
菹芋羸醢兩籩無滕布巾其實栗不擇脯四脰

註曰此饌但言東方則亦在東堂下也𦉰白也齊人
或名全菹為芋滕緣也詩云竹閉緄滕布巾籩巾也
籩豆具而有巾盛之也特牲饋食禮有籩巾○疏曰
菹法短四寸者全之若長於四寸則切之喪中之菹
葵雖長而不切故取齊人全菹為芋之鮮不言豆巾

者菹醢濕物不嫌無巾其實有巾矣

奠席在饌北斂席在其東

註曰大斂奠而有席彌神之○疏曰有巾又有席是
彌神之

掘垆見衽

註曰垆埋棺之坎者也掘之於西階上衽小要也喪
大記曰君殯用輅攢至于上畢塗屋大夫殯以幬攢
置于西序塗不墜于棺士殯見衽塗上帷之又曰君

蓋用漆三衽三束大夫蓋用漆二衽二束士蓋不用
漆二衽二束○疏曰殯訓為陳謂陳尸於坎壇弓周
人殯於西階之上引喪大記者畢盡也四面及上盡
塗之如屋然大夫不得四面但通西序以木憐覆棺
不堅棺者攢中狹小裁取容棺但塗木不及棺而已
士見其小要於上塗之云帷之者君大夫士皆同用
漆者塗合牝牡之中也君棺蓋每縫為三道小要每
道為一條皮束之大夫士降于君也○楊氏曰古者

棺不釘鑿棺蓋之際以衽連之其形兩端大而中小
所謂小要也見衽者衽出見於平地疎淺之節也
棺入主人不哭升棺用軸蓋在下

註曰軸輶軸也輶狀如牀軸其輪輓而行○疏曰詳
見既夕還于祖用軸注

熬黍稷各二筐有魚腊饌于西坵南

註曰熬所以惑蚍蜉令不至棺旁也為舉者設盆盥
於西○疏曰喪大記注熬者煎穀也謂塗設於棺旁

此士二簋首足各一筐餘設於左右

陳三鼎于門外北上豚合升魚鱠鮓九腊左胖髀不升其他皆如初

註曰合升合左右體升於鼎其他皆如初謂豚體及匕俎之陳如小斂時合升四鬯亦相互耳

燭俟于饌東

註曰燭燂也饌東方之饌有燭者堂雖明室猶闇火在地曰燂執之曰燭

祝徹盥于門外入升自阼階丈夫踊

註曰祝徹祝與有司當徹小斂之奠者小斂設盥于饌東有巾大斂設盥于門外彌有威儀○疏曰此直云祝徹盥于門外者不知何時設此案上小斂陳饌訖即言設盥則陳大斂饌訖亦設盥於門外也

祝徹巾授執事者以待

註曰授執巾者於尸東使先待於阼階下為大斂奠及將巾之祝還徹醴也

徹饌先取醴酒北面

註曰北面立相待俱降

其餘取先設者出于足降自西階婦人踊設于序西南
當西榮如設于堂

註曰為求神於庭孝子不忍使其親須臾無所馮依
也堂謂尸東也凡奠設于序西南者畢事而去之○
疏曰言凡奠謂小斂奠大斂奠遷柩奠祖奠但將設
後奠則徹先奠於序西南侍後奠事畢則去之故小

飲奠設之於此不巾以不久設故也

醴酒位如初執事豆北南面東上

註曰如初者如其醴酒北面西上也執醴尊不為便
事變位

乃適饌

註曰東方之新饌

帷堂

註曰徹事畢

婦人尸西東面主人及親者升自西階出于足西面袒

註曰袒大斂變也不言髻免髻髮小斂以來自若矣

士盥位如初

註曰亦既盥並立西階下

布席如初

註曰亦下筵上簞鋪於阼階上於楹間為少南

商祝布絞紼衾衣美者在外君襚不倒

註曰至此乃用君襚主人先自盡

有大夫則告

註曰後來者則告以方斂非斂時則當降拜之○疏
曰檀弓大夫弔當事而至則辭焉

士舉遷尸復位主人踊無算卒斂徹帷主人馮如初主
婦亦如之

主人奉尸斂于棺踊如初乃蓋

註曰棺在殯中斂尸焉所謂殯也檀弓曰殯於客位

主人降拜大夫之後至者北面視殯

註曰北面於西階東

衆主人復位婦人東復位

註曰阼階上下之位

設熬旁一筐乃塗踊無筭

註曰以木覆棺上而塗之為火備

卒塗祝取銘置于殯主人復位踊襲

註曰為銘設柎樹之殯東

乃奠燭升自阼階祝執巾席從設于奧東面

註曰執燭者先升堂照室自是不復奠於尸祝執巾與執席者從入為安神位室中西南隅謂之與執燭南面巾委於席右

祝反降乃執事執饌

註曰東方之饌

士盥舉鼎入西面北上如初載魚左首進鬻三列腊進
祗

註曰如初如小斂舉鼎執匕俎扁鼎祀載之儀魚左

首設而在南鬢脊也左首進鬢亦未異於生也凡未異於生者不致死也○疏曰按公食右首進鬢此云左首則與生異而云亦未異於生者下文註載者統於執設者統於席彼公食言右首據席而言此左首據載者統於執若設於席前則亦右首也

祝執醴如初酒豆籩俎從升自阼階丈夫踊甸人徹鼎
註曰如初祝先升

奠由楹內入于室醴酒北面

註曰亦如初

設豆右菹菹南栗栗東脯豚當豆魚次腊特于俎北醴酒在籩南巾如初

註曰右菹菹在醢南也此左右異於魚者載者統於執設者統於席醴當栗南酒當脯南

既錯者出立于戶西西上祝後闔戶先由楹西降自西階婦人踊奠者由重南東大夫踊

註曰為神馮依之也

賓出婦人踊主人拜送于門外入及兄弟北面哭殯兄弟出主人拜送于門外

註曰小功以下至此可以歸異門大功亦存焉○疏曰大功容有同門有同財故喪服以小功以下為兄弟但大功亦有不同門不同財之義以異門疏至此亦可以歸故云亦存焉謂存在家之法也既殯雖歸至朝夕朔奠之日近者亦入哭限也若至葬時皆就柩所故既夕反哭云兄弟出主人拜送

衆主人出門哭止皆西面于東方闔門

主人揖就次

註曰次謂斬衰倚廬齊衰堊室也大功有帷帳小功總麻有牀第可也

君若有賜焉則視斂既布衣君至

註曰賜恩惠也斂大斂君視大斂皮弁服襲裘主人成服之後往則錫衰○疏曰小記云諸侯吊必皮弁錫衰言諸侯不言君者以其彼是吊異國之臣法緣

吊異國之臣服皮弁則君弔士未成服之前可服皮弁襲裘之文出禮弓子游弔小斂後襲裘帶經而入此小斂後亦宜然也錫衰者亦約服問君弔卿大夫之法文王世子注同姓之士總衰異姓之士疑衰不同者彼謂凡平之士此士於君有師友之恩特賜與大夫同也

主人出迎于外門外見馬首不哭還入門右北面及衆主人袒

註曰不哭厭於君不敢伸其私恩

巫止于廟門外祝代之小臣二人執戈先二人後

註曰巫掌招弭以除疾病周禮小臣掌正君之法儀者周禮男巫王弔則與祝前喪祝王弔則與巫前檀弓曰君臨臣喪以巫祝桃茢執戈以惡之所以異於生也皆天子之禮諸侯臨臣之喪則使祝代巫執茢居前下天子也小臣君行則在前後君升則使阼階北面凡宮有鬼神曰廟

君釋采入門主人辟

註曰釋采者祝為君禮門神也必禮門神者明君無故不來也禮運曰諸侯非問疾弔喪而入諸臣之家是謂君臣為讎

君升自阼階西鄉祝負墉南面主人中庭

註曰祝南面房中東鄉君牆謂之墉主人中庭進益北

君哭主人哭拜稽顙成踊出

註曰出不敢必君之卒斂事

君命反行事主人復位

註曰大斂事

君升主人主人西楹東北面

註曰命主人使之升

升公卿大夫繼主人東上乃斂

註曰公大國之孤四命也春秋傳曰吾公在壑谷

卒公卿大夫逆降復位主人降出

註曰逆降者後升者先降位如朝夕弔哭之位

君反主人主人中庭君坐撫當心主人拜稽顙成踊出

註曰撫手案之凡馮尸興必踊○疏曰君與主人拾

踊也喪大記君於臣撫之父母於子執之子於父母

馮之婦於舅姑奉之舅姑於婦撫之又云凡馮尸興

必踊是馮為總名君撫之亦踊也

君反之復初位衆主人辟于東壁南面

註曰以君將降也南面則當站之東

君降西鄉命主人馮尸主人升自西階由足西面馮尸不當君所踊主婦東面馮亦如之

註曰君必降者欲孝子盡其情

奉尸斂于棺乃蓋主人降出君反之入門左視塗

註曰殯在西階上入門左由便趨疾不敢久留君

君升即位衆主人復位卒塗主人出君命之反奠入門右

註曰亦復中庭位

乃奠升自西階

註曰以君在阼

君要節而踊主人從踊

註曰節謂執奠始升階及既奠由重南東時也

卒奠主人出哭者止

註曰以君將出不敢謹驚聒尊者也

君出門廟中哭主人不哭辟君式之

註曰辟遠適辟位也古者立乘式謂小俛以禮主人

也曲禮曰立視五雋式視馬尾○疏曰曲禮君出就車左右攘辟又五雋注雋猶規也車輪轉之一帀為一規以冬官輪崇計之凡視前十六步半

貳車畢乘主人哭拜送

註曰貳車副車也其數各視其命之等君出使異姓之士乘之在後君弔蓋乘象路曲禮曰乘君之乘車不敢曠左左必式○疏曰大行人上公貳車九乘侯伯七子男五故知視命數坊記君不與同姓同車與

異姓同車彼謂同車為御右者此貳車可知引曲禮者乘車即貳車也以人君皆左載惡空其位則乘之亦居左常為式耳

襲人即位衆主人襲拜大夫之後至者成踊

註曰後至布衣而後來者○疏曰若未布大夫來即入前卿大夫從君之內

賓出主人拜送

註曰自賓出以下如君不在之儀○楊氏曰哭尸斂

尸撫尸搢擯視塗視奠凡六節每一節主人降出主人不敢必君之卒事也君命反主人行事所以盡哀敬之情始終之義也

三日成服杖拜君命及衆賓不拜棺中之賜

註曰既殯之明日全三日始歆粥矣禮尊者加惠明日必往拜謝之棺中之賜不施已也曲禮曰生與來日○疏曰是四日矣言三日除死日數之也曲禮注與數也生數來日謂成服杖以死明日數也死數往

日謂殯斂以死日數也大夫以上皆以來日數

朝夕哭不辟子卯

註曰既殯之後朝夕及哀至則哭不代哭也子卯桀

紂亡日凶事不辟吉事闕焉

婦人即位于堂南上哭丈夫即位于門外西面北上外
兄弟在其南南上賓繼之北上門東北面西上門西北
面東上西方東面北上主人即位辟門

註曰外兄弟異姓有服者也辟開也凡廟門有事則

開無事則閉○疏曰喪大記云祥而外無哭者則此外位皆有哭今直云婦人哭則丈夫亦哭矣但文不備也外兄弟謂若舅之子姑姊妹從母之子等是皆有服者也○坡謂言丈夫而不言主人則包主人及衆主人齊衰大功兄弟皆在其中矣故此繼以外兄弟而不及兄弟下文言兄弟而不及外兄弟皆互文也

婦人拊心不哭

註曰方有事止讙罵

主人拜賓賓三右還入門哭婦人踊

註曰先西面拜乃南面拜東面拜也

主人堂下直東序西面兄弟皆即位如外位卿大夫在主人之南諸公門東少進他國之異爵者門西少進敵則先拜他國之賓凡異爵者拜諸其位

註曰賓皆即此位乃哭盡哀止主人乃右還拜之如外位矣兄弟齊衰大功者主人哭則哭小功緦麻亦

即位乃哭上言賓此言卿大夫明其亦賓爾少進前
於列異爵卿大夫也他國卿大夫亦前於列尊之拜
諸其位就其位特拜○疏曰諸公門東少進者謂門
東有士故云少進少進於士此所陳位不言士之屬
吏者按大夫家臣位在門右則士之屬吏亦在門右
又在賓之後也

徹者盥于門外燭先入升自阼階大夫踊

註曰徹者徹大斂之宿奠

祝取醴北面取酒立于其東取豆籩俎南面西上祝先出酒豆籩俎序從降自西階婦人踊

註曰序次也

設于序西南直西榮醴酒北面西上豆西面錯立于豆北南面籩俎既錯立于執豆之西東上酒錯復位醴錯于西遂先由主人之北適饌

註曰遂先者明祝不復位也適饌適新饌將復奠

乃奠醴酒脯醢升丈夫踊入如初設不巾

註曰入於室也如初設者豆先次籩次酒次醴也
不巾無菹無栗也菹栗具則有俎有俎乃巾之○疏
曰若然朝廟之奠亦是宿奠無菹栗有巾者謂在堂
而久設塵埃故也

錯者出立于戶西西上滅燭出祝闔戶先降自西階婦
人踊奠者由重南東丈夫踊賓出婦人踊主人拜送

註曰哭止乃奠奠則禮畢矣○疏曰哭止乃奠者謂
朝夕哭止拜賓乃奠奠則禮畢矣

衆主人出婦人踊出門哭止皆復位闔門主人卒拜送
賓揖衆主人乃就次

朔月奠用特豚魚腊陳三鼎如初東方之饌亦如之

註曰朔月月朔日也自大夫以上月半又奠如初者
謂大斂時

無籩有黍稷用瓦敦有蓋當籩位

註曰黍稷併於甌北也於是始有黍稷死者之於朔
月月半猶平常之朝夕大祥之後則四時祭焉○疏

曰平常之朝夕謂猶生時朝夕之常食也按既夕記云燕養饋羞湯沐之饌如他日若然彼謂下室中不異於生時殯宮中則無黍稷今至朔月月半乃有之若朔月月半殯宮中有黍稷下室則無下室如今之內室是也云大祥之後則四時祭焉者士虞禮禫月吉祭猶未配是大祥之後得四時祭若虞祭之後卒哭之等雖不四時亦有黍稷是其常也

主人拜賓如朝夕哭卒徹

註曰徹宿奠也

舉鼎入升皆如初奠之儀卒杞釋匕于鼎俎行杞者逆出甸人徹鼎其序醴酒菹醯黍稷俎

註曰俎行者俎後執執俎者行鼎可以出其序升入之次

其設于室豆錯俎錯腊特黍稷當籩位敦啟會卻諸其南醴酒位如初

註曰當籩位菹南黍黍東稷會蓋也

祝與執豆者中乃出

註曰共為之也

主人要節而踊皆如朝夕哭之儀

月半不殷奠

註曰殷盛也月半不復如朔盛奠下尊者

有薦新如朔奠

註曰薦五穀若時果物新出者

徹朔奠先取醴酒其餘取先設者敦啟會面足序出如

八

註曰啟會徹時不復蓋也面足執之令足間向前也
敦有足則敦之形如今酒敦

其設于外如於室

註曰外序西南

筮宅冢人營之

註曰宅墓居也冢人有司掌墓地兆域者營猶度也
詩云經之營之

掘四隅外其壤掘中南其壤

註曰為葬將北首故也

既朝哭主人皆往兆南北面免經

註曰兆域也所營之處免經者求吉不敢純凶

命筮者在主人之右

註曰命尊者宜由右出也少儀曰贊幣自左詔辭自右

筮者東面抽上韉兼執之南面受命

註曰贖藏筮之器也兼與筮執之

命曰袁子某為其父某甫筮宅度茲幽宅兆基無有後
艱

註曰某甫其字也若言山甫孔甫矣宅居也度謀也
茲此也基始也言為其父筮葬居今謀此以為幽冥
居兆域之始得無後將有艱難乎艱難謂有非常若
崩壞也孝經曰卜其宅兆而安厝之○疏曰上大夫
以上卜而不筮下大夫若士則筮宅

筮人許諾不述命右還北面指中封而筮卦者在左

註曰述循也既受命而申言之曰述不述者士禮畧
凡筮因會命筮為述命中封中央壤也卦者識爻卦
畫地者

卒筮執卦以示命筮者命筮者受視反之東面旅占卒
進告于命筮者與主人占之曰從

註曰卒筮卦者寫卦示主人乃受而執之旅衆也反
與其屬共占之謂掌連山歸藏周易者從猶吉也

主人經哭不踊若不從筮擇如初儀

註曰更擇地而筮之○小記耐葬者不筮宅

歸殯前北面哭不踊

註曰易位而哭明非常

既井椁主人西面拜工左還椁反位哭不踊婦人哭于堂

註曰既已也匠人為椁刊治其材以井構於殯門外也反位拜位也既哭之則往施之窆中矣主人還椁

亦以既朝哭矣。○疏曰并合成之也。檀弓既殯旬而布材與明器注木工宜乾腊則此布之已久故云既已也。又須作之豈今始獻材也。但至此時將用主人親看視是以云既哭之則往施窆中也。

獻材于殯門外西面北上。綯主人徧視之如哭。樽獻素獻成亦如之。

註曰材明器之材視之亦拜工左還形法定為素飾治畢為成。

卜日既朝哭皆復外位卜人先奠龜于西塾上南首有席楚煇置于焦在龜東

註曰楚荆也荆煇所以鑽灼龜者焦炬也所以燃火者也周禮蕡氏掌共焦契以待小事凡卜以明火煇焦遂灼其煇契以授卜師遂以役之○疏曰周禮注明火陽燧取火於日者煇讀如戈罇之罇謂以契柱焦大而吹之也契既然以授卜師作龜役之使助之是楚煇與契為一皆謂鑽龜之荆罇取其銳也

族長泣卜及宗人吉服立于門西東面南上占者三人
在其南北上卜人及執燂席者在塾西

註曰族長有司掌族人親疎者也泣臨也吉服服玄
端也占者三人掌玉兆瓦兆原兆者也塾西者南
面東上○疏曰周禮太卜注兆者灼龜發於火其形
可占者其象似玉瓦原之璽鑄是用名之原原田也
闔東扉主婦立于其內

註曰扉門扇也

席于闌西闕外

註曰為卜者也

宗人告事具主人北面免經左擁之涖卜即位于門東

西面

註曰涖卜族長也更西面當代主人命卜

卜人抱龜燂先奠龜西首燂在北

註曰既奠燂又執龜以待之

宗人受卜人龜示高

註曰以龜腹甲高起所當灼處示泣卜也

泣卜受視反之宗人還少退受命

註曰受泣卜命授龜宜近受命宜卻也

命曰哀子某來日卜葬某父某甫考降無有近悔

註曰考登也降下也言卜此日葬魂神上下得無近

於咎悔者乎

許諾不述命還即席西面坐命龜興授卜人龜負東扉

註曰宗人不述命亦士禮畧凡卜述命命龜異龜重

威儀多也負東扉俟龜之兆也○疏曰大夫以上皆有迷命迷命與命龜異云龜重對筮時迷命命筮同筮輕也

卜人坐作龜興

註曰作猶灼也周禮卜人凡卜事示高揚火以作龜致其墨興起也

宗人受龜示泣卜泣卜受視反之宗人退東面乃旅占卒不釋龜告于泣卜與主人占曰某日從

註曰不釋龜復執之也

授卜人龜告于主婦主婦哭

（註曰）不執龜者下主人也

告于異爵者使人告于衆賓

（註曰）衆賓僚友不來者也

卜人徹龜宗人告事畢主人經入哭如筮宅賓出拜送
若不從卜擇如初儀

儀禮述註卷十二